

衆皆以爲得人

唐西寧增廣生敦行樂善所至人孚乾隆丁丑僑居維邑名尤著乙巳邑宰何公行鄉飲酒禮延爲正賓聞者莫不侈美談焉

人物 藝術

唐

楊元禧善醫爲武后所信愛 唐書

駱峻字肅之隱于灊陵東坡善圖山水狀鑿者比之朱審王維

華陰縣志

卷十 藝術

一二十七

西安縣林印書社代印

之儔

杜牧駱處士墓誌

李靄之工畫山水寒林有江鄉之思鄴帥羅中令厚禮之焉建

一亭爲援毫之所名金波亭時號金波李處士也有賣藥修

琴歸山圖野人荷酒寒林并山水卷軸傳於世 圖書見 李靄

之畫猫尤工蓋畫猫者必在花下靄之獨畫在藥苗間豈非

幽人逸士所寓耶 宜和 李靄之善畫山林泉石尤喜畫猫于

藥苗間雅爲羅紹威所厚建一亭爲靄之援毫之所名曰金

波時號爲金波處士

圖繪

車三善卜相進士李蒙宏詞及第入京注官至華陰縣官令車

三見之云此是李蒙宏詞及第欲注官去看得何官車云公

意欲作何官蒙云愛華陰縣車云得此官但公無此緣如何

衆皆不信及至京果注華陰縣尉授官相賀於曲江舟上宴會諸公令蒙作序日晚序成史翹先起于蒙手取序看裴士南等十餘人爭起看序其舡偏覆蒙及士南等并被滄溺而死 定命錄

後晉

杜子環精意道釋因畫圓光自謂得意非丹青家所及每詫於流輩曰我作圓光時心遊海上遐意日出扶桑滄滄涼涼其狀若此故脫略筆墨使妍淡無迹宜他人所不能到也論者亦爲信然子環研吮丹粉尤得其術故綵繪特異 宣和

華陰縣志

卷十 藝術

一二十八

西安縣林印書社代印

宋

寧濤敷水人師范寬多作關右風景其巧過寬而渾厚藏蓄不

及也樓觀人物纖悉畢呈失於太顯 畫斷

甯久中濤子也兼畫人物深得世俗之態筆意不減其父但多

平遠道路之景不起峯頂 畫斷

劉浩居華陰愛作雪驢水磨故事人物多布敘景致意象幽遠

筆法輕清 畫斷

金

楊邦基舉進士善畫山水人物著名當世 見本

國朝

史 精于風角之術人以神仙呼之雍正間大將軍年羹堯
征準夷聞其名招致軍中青海之役占驗多奇中察年恃功
有跋扈狀託病而歸不復言人休咎 蘇爾幹
聞見抄

人物 備寓

孔季彥魯人父僖臨晉令卒官遺令卽葬二子長彥季彥並十
餘歲蒲坂令許君然勸令反魯對曰載柩而歸則違父命舍
墓而去心所不忍遂留華陰長彥好章句學季彥守其家業
兼修史漢不好諸家之書于是甘貧味道研精墳典十餘年
間會徒數百時人爲之語曰魯國孔氏好讀經兄弟誦誦皆
華陰縣志 卷十 僑寓 二十九 西安縣林印書社代印

可聽學士來者有聲名不遇孔氏那得成後舉孝廉不就延
光三年年四十七終于家 漢書

高恢字伯通 一作連京兆人少好老子隱於華陰山中高抗終
身不仕與梁鴻爲友及鴻東游思恢作詩曰鳥嚶嚶兮友之
期念高子兮僕懷思想念恢兮爰集茲二人遂不復見 高士
傳

江淹論隱書高伯達坐於華陰之山心常慕之而未能及也
張楷字公超蜀郡成都人通嚴氏春秋古文尚書司隸舉茂才
除長陵令不至官隱居宏農山中學者隨之所居成市後華
陰山南遂有公超市性好道術能作五里霧時關西人裴優
亦能爲三里霧自以不如楷從學之楷避不肯見桓帝卽位

優行霧作賊事覺被考引楷言從學術楷坐繫廷尉詔獄積
二年後以事無驗見原還家終 後漢書

辛緒字公文少治春秋詩易隱居華陰弟子受業者六百餘人

所居旁有白鹿甚馴不畏人 三輔
決錄 辛緒字公文治春秋織緯

隱居華陰山中光武徵不至有大鳥高五尺鷄頭燕頰蛇頸
魚尾五色備舉而多青棲繕槐樹旬時不去宏農太守以聞
詔問百寮咸以爲鳳太史令蔡衡對曰凡象鳳者有五多赤
色者鳳多青色者鸞多黃色者鸞多紫色者鸞多白色
者鶴今此鳥多青乃鸞非鳳也上善其言三公聞之咸遜位
辟緒不起 決疑
注

華陰縣志 卷十 僑寓 三十 西安縣林印書社代印

王猛字景略北海劇人也瓌姿偉偉博學好兵書謹重嚴毅氣
度雄遠少游鄴都時人莫識惟高平徐統見而奇之召爲詞
曹遁而不應隱於華山懷佐世之志歛翼待時桓溫入關猛
被褐謁之一面談當世之事捫虱而言旁若無人溫察而異
之將還賜猛車馬拜高官都護請與俱南猛還山咨師師曰
卿與桓溫豈并世哉在此自可富貴何爲遠也乃止苻堅將
有大志聞猛名遣呂婆樓招之一見便若平生語及廢興大
事異符同契若元德之於孔明也及堅僭立以猛爲中書侍
郎轉始平令明法峻刑禁勒強豪爲人所訟徵下詔獄堅謂

羣臣曰王景略固是夷吾子產之儔也救之遷尙書左丞咸陽內史京兆尹未幾除吏部尙書太子詹事又遷尙書左僕射輔國將軍司隸校尉加騎都尉居中宿衛時年二十六歲頃之遷尙書令太子太傅加散騎常侍頻表累讓不許又轉司徒錄尙書事餘并如故猛辭以無功不拜討慕容暉以功進封清河郡侯留鎮冀州人爲丞相中書監尙書令太子太傅司隸校尉持節常侍將軍侯如故稍加都督中外諸軍事猛表讓久之堅曰卿昔蠅蟠布衣朕龍潛弱冠屬世事紛紜厲士之際顛覆厥德奇卿于暫見誕卿于臥龍卿亦異朕于一言回考槃之雅志豈不精契神交千載之會雖傳巖入夢

華陰縣志

卷十 僑寓

三十一

西安縣林印書社代印

恩并言時政得失多所宏益堅覽之流涕悲慟左右疾篤親臨省視問以後事猛曰晉雖僻陋吳越乃正朔相承親仁善隣國之寶也臣歿之後願不以晉爲圖鮮卑羌虜我之仇讐終爲人患宜漸除之以便社稷言終而死時年五十一歲堅哭之慟比斂三臨謂太子宏曰天不欲我平一六合耶何奪吾景略之速也贈侍中尙書餘悉如故諡曰武侯朝野巷哭

三日

節十六
春秋本傳

黃景道字文博

農人也少而好學晝夜誦讀博通五經尤明春秋三傳京氏易馬氏尙書韓詩皆精究大義三禮之義專尊鄭氏著禮通論非駁諸儒演廣鄭旨永平中知天下將亂

華陰縣志

卷十 僑寓

三十一

西安縣林印書社代印

隱于商洛山衣木葉食樹菓彈琴歌笑以自娛毒蛇猛獸皆繞其旁是以劉淵及聰屢徵皆礙而不得進景道私以此自喜至劉曜時出山廬于渭內曜徵爲太子太傅散騎常侍復辭曰余在萬山中艸木可以庇風雨石田可以具饘粥朝家事非山野小人所願聞也更移窮谷中人悉不見後曜置崇文祭酒復以明經濯景道爲之亦不就竟以壽終

十六
秋晉書

按渭水即今公莊里其故地也桑欽水純渭水東入于河注春秋之渭水也

郭文字文學河內軹人少愛山水游名山歷華陰之崖窮谷無人之地倚木于樹苦覆其上而居亦無壁障時猛獸爲暴入屋害人而文獨宿十餘年卒無患害

晉史 嘗于華陰石室中得

神虎內真紫元丹章乾符中封靈隴真君

真境錄

司馬郊字子都未詳何許人隱居華山五十年禽獸日遊目前

有如家馴每灌園不食菜心以其傷生意及四時山果熟果

大大鳥啣果小小鳥啣俱送郊齋中郊歎曰禽鳥送果甚多

但可日料三十顆異日如戒及郊卒百禽聚于庭悲鳴累日

而去

獨異志

張苔張說孫坐事除名寄居華陰

劉禹錫送華陰張苔赴縣府使幕

昔忝南宮郎往來東觀頻嘗披燕文傳贊

若窺三辰翊聖崇國本保賢正朝倫高視緬今古清風無

華陰縣志

卷十 僑寓

二十三

西安縣林印書社代印

隣蘭綺照通衢一家十朱輪鄴國嗣後絕蕪鄉貴業貧夫子

成

集作承

大名少年震芳塵青袍仙掌下矯首凌煙爰公冶本

非罪潘郎一為民風霜若搖落堅白無淄磷一旦逢良時天

光燭幽淪重為長裾客佐彼觀風臣分野窮禹畫人烟過虞

巡不言此行遠所樂相知新兩起巫山陽鳥鳴湘水濱離筵

出蒼莽別曲多怨辛今朝一杯酒明日千里人從此孤舟去

悠悠天海春

王易簡字國寶京兆萬年人好學工詩唐僖宗時避亂山谷梁

乾化中舉進士擢第復隱華山後唐明宗時辟為羅周恭掌

書記府罷退居華陰作小隱詩二十首并序以見志歷晉周

迄宋以太子太保致仕加少傅所居華陰構一鳴堂二品樓

優游自適年七十九卒

宋史

易簡京兆人徙居華陰蕭希甫榜

下及第名居榜尾不看榜歸華山尋就山釋褐授華州幕官

同光中改參軍辭官歸隱留詩曰汨沒朝過愧不才誰能低

折向塵埃青山得去且歸去官職有來任自來再入升朝官

位諫垣臺閣三十年官至八座乞致仕歸華山嘗作小隱詩

二十首以見志十年乃終

宋潘若同郡閣雅言

後晉

鄭遨字雲叟滑州白馬人少好學敏於文辭唐昭宗時見天下

大亂有拂衣遠去之意先八少室山為道士聞華山有五粒

華陰縣志

卷十 僑寓

二十四

西安縣林印書社代印

松脂淪八於地千歲化為藥能去三尸因徙居求之與道士

李道殷羅隱之交當世目為三高士節度使劉遂凝數以實

貨遺邀不受素與李振善欲邀以祿亦不顧唐明宗召為左

拾遺晉高祖召以諫議大夫皆不至賜號逍遙先生天福四

年卒年七十二生平好飲酒弈棋時時為詩章落人間多寫

以綠素相贈遺以為寶至或圖寫其形翫于屋壁其迹雖遠

而其名愈彰

五代史

鄭遨隱居華山碧雲洞

華山誌

記

翟士端字表正齊人也博通九經隱居碧雲洞中祥符中真宗

幸汾陰禮召不起無疾而逝七日支體猶溫及火之有聲如

雷五色光炳耀華山志

鄭隱以經術為業馮道士傳辟穀鍊氣之法修習頗驗居華山

王刁巖踰二十年冬夏常衣皮裘真宗作詩為賜加以茶藥

繪帛隱辭不受宏開錄鄭隱字明處竟之奉符人也左臂上有

黑麋子如北斗狀常居王刁三洞口自冬涉春不出人異之

祥符中真宗祀后土還駐蹕驛下詔行在賜號貞晦先生又

賜歸山歌云嶽中逸士本藏名常詠琴樽適性情盡日臨流

看水色有時隱几聽松聲遍遊萬壑成嘉遁偶出千峯翫治

平談希夷究元默號無極沃予心辭城闕歸山林樂爾志號

何深已薄紛華存素音好將吟嘯暢冲襟華山志

華陰縣志 卷十 僑寓 二十五 西安縣林印書社代印

陳搏字圖南亳州真源人始四五歲戲澗水岸側有青衣媼乳

之自是聰悟日益及長讀經史百家之言一見成誦悉無遺

忘頗以詩名後唐中興中舉進士不第遂不求祿仕以山水

為樂自言嘗遇孫君仿麀皮處士二人者高尚之人也語搏

曰武當山九室巖可以隱居搏往棲焉因服氣辟穀歷二十

餘年但日飲酒數杯移居華山雲臺觀依止少華石室無心

世事居嘗寢處輒百餘日不起周世宗好黃白術有以搏名

聞者顯德三年命華州送至闕下留止禁中月餘從容問其

術搏對曰陛下為四海之主當以致治為念奈何留意黃白

之事乎世宗不之責命為諫議大夫固辭不受既知其無他

術放還所止詔本州長吏歲時存問五年成州刺史朱憲陞

辭赴任世宗令齋帛五十四茶三十斤賜搏太平興國中來

朝太宗待之甚厚九年復來朝上益加禮重謂宰相宋琪等

曰搏獨善其身不干勢利所謂方外之士也搏居華山已四

十餘年度其年近百歲自言經承五代離亂幸天下太平故

來朝親與之語甚可聽因遣中使送至中書琪等從容問曰

先生得元默修養之道可以教人乎對曰搏山野之人於時

無用亦不知神仙黃白之事吐納養生之理非有方術可傳

假令白日冲天亦何益於世今聖上龍顏秀異有天人表

博達古今深究治亂真有道仁聖之主也正君臣協心同德

華陰縣志 卷十 僑寓 二十六 西安縣林印書社代印

興化致治之秋勤行修煉無出於此琪等稱善以其語白上

上益重之下詔賜號希夷先仍賜紫衣一襲留搏關下令

有司增葺所止雲臺觀上屢與之屬和詩賦數月放還山端

拱初忽謂弟子賈德昇曰汝可於張超谷鑿石為室吾將憩

焉二年秋七月石室成搏手書數百言為表其略曰臣搏大

數有終聖朝難忘已於今月二十二日化形於蓮花峯下張

超谷中如期而卒經七日支體猶溫有五色雲蔽塞洞口彌

月不散搏好讀易手不釋卷常自號扶搖子著指元篇八十

一章言導養及還丹之事宰相王溥亦著八十一章以箋其

指搏又有三峯寓言及高陽集釣潭集詩六百餘首能逆知

人意齋中有大瓢掛壁上道士賈休復心欲之搏已知其意謂休復曰子來非有他蓋欲吾瓢爾呼侍者取以與之休復大驚以爲神有郭沆者少居華陰夜宿雲臺觀搏中夜呼令趣歸沆未決有頃復曰可勿歸矣明日沆還家果中夜母暴得心痛幾死食頃而愈華陰隱士李琪自言唐開元中郎中官已數百歲人罕見者關西逸人呂洞賓有劍術百餘歲而童顏步履輕疾頃刻數百里世以爲神仙皆數來搏齋中人咸異之大中祥符四年眞宗幸華陰至雲臺觀閱搏畫像除其觀田租宋史

陳搏字圖南唐譙郡人不第隱武當山辟穀鍊氣後居華山

華陰縣志

卷十 僑寓

二十七

西安縣林印書社代印

雲臺觀閉門高臥經月方醒太宗召之雍熙初賜號希夷先生談苑

華山隱士陳搏字圖南唐長興中進士游四方有大志隱武當山詩云他年南面去記得此山名本朝張鄧公改南面爲南嶽題其後云蘇壁題詩志何大可憐今老華圖南蓋唐末時詩也常乘白驪從惡少年數百欲入汴州中途聞藝祖登極大笑墜驪曰天下於是定矣遂入華山爲道士葺唐雲臺觀居之藝祖召不至太宗召以羽服見於延英殿顧問甚久送中書見宰相宋琪問曰先生得元默修養之道可以教人乎曰搏不知吐納修養之理假令白日冲天亦何益于

世聖上博達今古深究治亂眞有道仁明之主正是君臣同德治理之時動心修鍊無出于此琪等稱歎以其語奏帝益重之帝初問以伐河東之事不答後師出果無功還華山數年再召見謂帝曰河東之事今可矣遂克太原帝以其善相人也遣詣南衙見眞宗及門亟還問其故曰王門廝役皆將相也何必見王建儲之議遂定後賜號爲希夷先生眞宗卽位先生已化因西祀汾陰幸雲臺觀謁其祠加禮焉帝知建儲之有功也嗚呼世以先生爲神仙善人倫風靈淺矣至康節先生實傳其道於先生之細者尙以比漢四皓云邵氏聞見前錄

種放字明逸洛陽人沉默好學善屬文每往來嵩華間慨然有

華陰縣志

卷十 僑寓

三十八

西安縣林印書社代印

山林之意洛陽志眞宗祀汾陰還駐蹕華陰因登亭望蓮花峯

忽憶種放居是山亟命中貴人裴愈召之時放稱疾不應召上笑而止因問愈曰放在家何爲愈對曰臣到放所居時會放在草廳中看畫水牛二軸上顧侍臣曰此高尚之士也陳戩熙甯中有薦華山陳戩者博學知治亂大體三十年不出戶庭鄰人有不識者云是希夷宗人旣對便坐上先覽其所畫時議甚喜之至是命坐賜茶戩乃趨起皇恐謝不敢者再三云上有鳴尾乞陛下暫令除去上使之退左右皆掩笑上亦不怒對輔臣亦未言及一日忽有旨賜束帛令還山道山清話

魏淵淵字空空山右人隱居華嶽性朴誠恬靜甘淡泊絕口不言世務足不出山者三十餘年後其子以淵淵老三至嶽頂欲迎還就養淵淵決志不歸其子泣請移綿山乃許之終不

至家後無疾而卒 賈志

張雨號清虛子貌清古寡言笑絕煙火食惟啖松葉間用栗棗常攜一瓢居華之東峯石洞中與邑人王宏撰善崇正癸未十月初六日闖寇入關之夕跌坐而逝自書其瓢曰我姓張名雨慶陽人年六十四數字而已計在東峯者亦六十四年迨甲申春正月十五日猶端坐如生宏撰為具葬細梓坪祠于其所居之洞顏曰清虛

華陰縣志

卷十 僑寓

二十九

西安華林印書社代印

本朝

顧炎武字甯人吳之崑山人康熙初入關至華遂為卜居之計王宏撰館於其家構屋數楹顏之曰顧廬以處焉甯人博通淹貫以著述自雄與富平李因篤朝邑王建常整屋李中孚交善諸人皆老宿碩儒考古論學未嘗不互相規益也後復返吳 顧炎武與姪書 新正已移至華下祠堂書院之事雖皆秦人為之然吾亦須自買堡中書室一所水田四十五畝為養殮之計秦人慕經學重處士持清議實與他省不同黃精松花山中所產沙苑蒺藜止隔一水終日服餌便可不肉不茗今年三月乘道途之無虞及筋力之未倦出嶠函觀伊洛歷嵩少

亦有一二好學之士聞風願交但中土飢荒不能久留遂旋車而西矣彼中經營方始固不能久留於外也 顧炎武與王虹友書 流寓關華已及二載幸得棲遲泉石不與弓旌而此中一二紳章頗知重道管幼安之客公孫惟說六經之旨樂正裘之友獻子初無百乘之家若使戎馬不生弦歌無輟即此可為優游卒歲之地矣

華陰縣志

卷十 僑寓

四十

西安華林印書社代印

人物

仙

馮夷華陰潼鄉隄首里人也以八月上庚日渡河溺死天帝署為河伯 搜神記 馮夷字公子潼鄉隄首里人服八石得道為水仙以八月上庚日死上帝署為河伯 清冷傳

日河伯 郭璞 稟華之精食惟八石乘龍隱淪往來海客若是水仙號

蘇林字子元濮陽曲水人少稟異操獨逸無倫訪真之志與日彌篤師華山仙人仇先生仇先生者湯王時木正也得服氣胎食之法還神守魂之事以漢元帝神爵二年三月七日登

天冉冉西北而去道家所謂元洲上卿七靈

青鳥公彭祖之弟子也入華陰山中學道積四百七十一歲十二試有三不遇後服金液而昇天太極道君以為試三不遇但仙人而已不得為真人真誥

李八百名脫蜀人居筠陽五龍岡歷夏商周年八百歲又動則行八百里因號為李八百修煉于華陰山石室丹成還蜀文

獻通考李八百名真自稱八百歲白鹿先生謂陳搏曰神仙李八百動靜不測有詩曰一日身遊八百里三番花落九千春

神仙傳

華陰縣志 卷十 道釋 四十一 西安華林印書社代印

茅濛字初成咸陽人深識元遠察覽興亡知周之衰不事諸侯

初師鬼谷先生後隱遁華山盤桓靈峯逍遙幽岫靜念神仙高抗蕭寥絕塵人間以始皇三十年九月庚子于華山之中

乘雲駕龍白日昇天先是其邑人謠曰神仙得者茅初成駕龍上昇入太清時下元洲戲赤城繼世而往在我盈帝若從

之臘嘉平始皇聞之欣然有尋仙之志因改臘曰嘉平以應邑人謠也至其五世孫茅盈果得上仙為東嶽上卿司命真

君甘水仙源錄

古丈夫不著姓氏秦二世時驪山役夫逃難入華山唐大中初陶太白尹子虛同陟芙蓉峯于松下見一丈夫古服儼雅一

女子鬢髻彩衣二人曰莫非神仙乎丈夫曰僕是秦之役夫

彼即秦宮女子合為殉者同脫驪山之禍共匿于此不知今

經幾甲子也相與飲酒吟詩二人曰幸遇大仙願求金丹大

藥丈夫曰予本凡人初餌柏子後食松脂歲久凌虛毛髮紺

綠不知金丹大藥為何物也吾有萬歲松脂千年柏子可分

餌之亦應出世二人拜謝因巢居蓮花峯上雲臺觀道士往

往遇之時話得道之由云爾節傳

裴君字元仁右扶風夏陽人年十餘歲詣佛圖道人支子元見

而謂曰吾善相人子目中珠子真似北斗瑤光星自背以下

象如河魁既有官爵又當神仙因以仙人蔣先生神訣五首

授之元仁再拜還歸精思行之年二十三州辟主簿後遷冀

州刺史有仙人乘白鹿從天下庭中曰我南嶽真人亦松子也聞子好道故來相過勤存五靈別當授子真道元仁遂棄官委家登太華山入洞元石室中積二十三年奄見五老人來詣元仁再拜頓首乞請神訣一老人青巾青衣拄青杖帶通光陽霞之符乃東方歲星之神也賜以青芝出青書一卷是紫微始青道經也一老人蒼巾蒼衣拄蒼杖帶鸞真鸞鳳之符乃北方辰星之神也賜以蒼芝出蒼元上籙北斗真經中命四旋經四卷見授一老人白巾白衣拄白杖帶皓靈扶

華陰縣志 卷十 道釋 四十二 西安華林印書社代印

希之符乃西方太白星之神也賜以白芝出太素玉籙寶元
真經三卷見授一老人赤巾赤衣拄赤杖帶四明朱碧之符
乃南嶽熒惑星之神也賜以丹芝出龍胎太和丹經二卷見
授一老人黃巾黃衣拄黃杖帶中元八維玉門之符乃中央
鎮星之神也賜以黃芝出四氣上樞太元黃書八卷見授乃
五星之精天之大神也元仁再拜服芝讀經飛步隱形遊行
天下後遇太素真人授以法書道成昇天受符爲清靈真人

雲笈
七籤

修羊公魏人居華山石室有懸榻臥其上石盡穿陷略不動時

取黃精食之後以道聞于上漢景帝禮之使止王邸中數歲

華陰縣志

卷十 道釋

四十三

一書安縣林印書社代印

道不可得有詔問公何日發語語未訖牀上化爲白石羊題

其脇曰修羊公謝天子後置石羊於通靈臺上羊後復去不

知所在

列仙
傳

對向卓矣修羊韜奇含靈枕石太華餐茹黃精漢禮雖隆道

非所經應變多質忽爾隱形

衛叔卿中山人也服雲母得仙漢儀鳳二年八月壬辰乘雲車

駕白鹿從天而下集于殿前武帝驚問爲誰答曰中山衛叔

卿也帝曰若是乃朕臣也可前共語忽焉不知所在帝悔恨

推求得其子度世見帝曰臣父少好仙道委家而去當入太

華山也帝卽遣使者與度世共之華山求之到山下輒火不

能上度世乃齋戒獨上于絕巖之下望見其父與數人博戲

石上紫雲繚鬱度世再拜言故叔卿曰前爲太上所遣欲誠

帝以大災之期及救危厄之法國祚可延而強梁自貴不識

眞道反欲臣我不足告語是以去耳今當與中黃太乙共定

天元吾終不復往度世曰不審向與父並坐是誰也叔卿曰

洪崖先生許由巢父火低公飛黃子王子晉薛容耳汝歸當

取吾齋室西北隅大柱下玉函中神素書按方合藥服之可

能乘雲而行道成來就吾於此勿爲漢臣亦不復語帝也度

世於是辭去後掘得玉函封以飛仙之香乃五色雲母遂合

藥服之仙去

神仙
傳

華陰縣志

卷十 道釋

四十四

一書安縣林印書社代印

稷邱公華山道士漢武帝封禪公乃擁琴來迎

列仙
傳

伯山甫雍州人入華山精思服食時時歸鄉里省親二百年不

老至人家數人先世以來善惡功過有如目見又知方來吉

凶言無不效常以神藥與外甥女服之至一百三十歲猶少

女也

神仙
傳

孟岐清河逸人也年七百歲語及周初事了了如目前恆餌桂

葉在華陰山下捨藥聞漢武帝好仙披草萊而出後不知所

之

真仙
通鑑

戴孟本姓燕名濟字仲微漢明帝時人隱三公山石室受裴君

玉珮金璫經及石精金光符復有太微黃書隱居石室中服
蒼朮黃精恆散髮亦有練巾惟月朔乃著之時復彈琴吟咏
常有黃白雲覆其上後辭別交友乘雲而去神仙傳

周義山字季通汝陰人漢昭帝時爲青州刺史後登太華山遇

南嶽赤松子授上元真書真仙通鑑

王褒字子登漢安國侯陵七世孫黃門侍郎措之子少勤墳典

大將軍王鳳辟爲從事高蹈不屈年四十三跪辭二親求學

長生之道入華陰山寢息空林鳥獸爲侶轆軻辛勤亦云至

矣如是九年大雪摧林空巖無侶殆將殞斃而精誠不迴至

真元感夜半聞蕭鼓之聲須臾漸近千乘萬騎浮空而來神

華陰縣志 卷十 道釋 四十五 一西安華林印書社代印

人各乘三雲之輦手把虎符停駕而言曰吾太極真人西梁

子文也一真人曰吾華蓋上公浮丘伯也聞子好道劬勞山

林誠可愍也褒叩頭千萬願授長生之道太極真人曰吾等

主神仙之司憫子有志故來相過乃以太極青精飯上仙靈

方授之浮丘伯授以五靈夜觀之道雲琅冰霜之珍再拜而

服之于是身有金映項生圓光能飛行萬里受神策拜爲太

素清虛真人領小有天王主三元四司給玉童玉女各三伯

人得乘八景飛輿出入上清今麻姑小有天仙王峯亦真人

所理載王氏傳江志 華蓋山三 仙傳實

韓衆漢成帝時劉根棄官學道嘗於華陰山見一人 白鹿車

從者十餘人左右玉女執采旌之根再拜稽首求乞一言

神人曰爾聞有韓衆否答曰實嘗聞之神人曰我是也必欲

長生先去三尸三尸去即志意定嗜慾除也遂以神方五篇

授根真仙通鑑 有採藥詩云閻河之桂實大如棗得而食之後天

而老賈志

魯女生長樂人初餌胡麻及朮絕穀八十餘年日更少壯色如

桃花一日與親故別云入華山去後五十年先相識者逢女

生華嶽廟前乘白鹿從玉女三十人并令謝其鄉里故人神仙傳

馬明生齊之臨淄人姓和名君實度人經 少爲賊所傷殆死遇

華陰縣志 卷十 道釋 四十六 一西安華林印書社代印

太真夫人與藥一丸服訖即愈乃自號馬明生因隨夫人執

役于東嶽石室夫人憐其專謹付于仙人安期生從之周遊

天下二十年勤苦備嘗安期生授以太清金液神丹方而告

之曰子若未欲昇天但先服半劑明生乃入華陰山依方合

金丹服之半劑得仙而與俗人無異後人怪其不老遂復餌

金丹半劑白日昇天真仙通鑑

赤斧者巴戎人也莫知其姓名爲碧雞祠主簿能作水瀆鍊丹

與硝石服之三十年反如童子毛髮生皆赤後上華山取禹

餘糧餌之復賣于蒼梧湘江間累世傳見之手掌中有赤斧

焉列仙傳

焉列仙傳

焉列仙傳

劉向曰 赤斧願真發秀戎巴寓跡神祠頌鍊丹砂髮雖朱鞋顏
嗔丹葩采藥靈山觀化南遐

子先漢中關下卜師也老壽百餘歲臨去呼酒家老嫗曰急裝

當與嫗共應中陵王夜有仙人持二茅狗來至呼子先

持一與酒家嫗騎之乃龍也上華陰山常于山上大呼子先

酒家母在此云 列仙傳

劉向曰 三靈潛感應若符契方駕茅狗蛇爾龍逝參登太華自

稱應世事君不端會之有惠

賈氏 呼子先夜不臥惟荷藜杖閉目少頃即謂之睡後與酒

姥仙去留其杖子先故人陸麟寶之謂之藜杖

華陰縣志 卷十 道釋 四十七 一 華陰縣志代印

青谷先生不知何許人隱居華山修行九息服氣之法後合爐

火大丹服之得道 洞仙錄

白羊真人莫知其名姓隱于嶽之西北洞室常乘白羊往來塵

世後與弟子介琰俱登仙以此號為白羊真人真人有禁山

籙及制虎豹狼熊符七十道行于世 華山志

劉寬字文饒宏農人少好道曾舉漢方正稍遷南陽太守後為

司徒太尉年七十三一日遇青谷先生降於寢室授杖解法

去入太華山行九息服氣及授以爐火丹方修之道成今在

洞中作童初府帥上侯主始學道者 真仙通鑑 道成能使鬼神

隱身分形之術後仙去 仙志

道家書如真誥類皆列文統於仙真顯謂其年七十三遇青谷先
生授秘術修習得仙按後漢書本傳及太尉碑俱云中華二年
六十六卒且并不言修仙事其誣罔顯然明王元美畫仙鑑後胡
元瑞玉壺遐覽亦以為偽此不可錄但王允寧跋之謂華嶽志遺
漏而東雲雜華山經遂登之殆
失于不考耳故姑載而附辯焉

平常生穀城鄉人數死復生遇大水不溺常為華陰門卒

劉向曰 穀城妙匹譎達奇逸出生入死不恆其質元化忘形遺

賤奚恤暫降塵汚終騰雲室 列仙傳

黃蘆子楚人也姓葛名期 一作 隱居黃神谷能治人病千里寄

姓名與治之皆愈不必見病人身也善氣禁之道禁猛獸飛

禽皆不敢動禁水水為逆流年二百八十歲力舉千鈞行及

奔馬頭上常有五色光氣高丈餘天大旱時召谷內潭中龍

華陰縣志 卷十 道釋 四十八 一 華陰縣志代印

出催促使昇天作雨數數如此一旦乘黃龍而去遂不復還

真仙通鑑

鍾離簡咸陽人為郎中與弟權俱入華山三峯得道權生而奇

異美髯俊目身長八尺餘入正陽洞修鍊自號天下都散漢

道成白日昇天 真仙通鑑 神仙鍾離先生權不知何時人而問出

接物自謂生于漢嘗草其為詩字書飄然有凌雲之氣 宣和書譜

按鍾離權楊慎丹鉛錄以為唐人胡應麟玉壺遐覽謂權自顯于
宋世王定國嘗與游王老志為其弟子蓋宜和問人恐亦非唐人
也

郎宗字仲綏 一作 後漢時安邱人為吳令學精道術占候風氣

一日有暴風夜起占知雒陽大火燒長夏室廬往問果爾朝

廷聞之以博士徵宗宗恥以占術就徵乃解印綬負笈避去

居華山下服胡麻得道真仙通鑑

壺公者莫知姓名常懸空壺于座上日入之後輒跳入壺中費

長房從之學令住石室中有一方石廣丈餘壺公以茅繩繫

之懸于空中令長房坐于石下使諸蛇虫競來嚙繩繩欲斷

而長房自若終無懼公撫之曰子可教矣賜子為地上主者

石室在嶽之西北孤峯上可容十餘人有泉東北入霧市谷

雍勝

壺公真誥以為姓施名存孔子弟子殆未可信丹臺錄謂姓謝名

元按東陝商山樓辨費長房學壺公內諸石室不著山名今作華

華陰縣志 卷十 道釋 四十九 西安縣林印書社代印

勝記及雍勝略皆據之以書姑仍錄載

元龜

王暉魏時人白羊公之弟子也居華嶽熊牢嶺常種黃精于溪

側虎豹為之耕耘出入迭乘虎豹鞭策與乘馬無異後以道

術傳王法冲乃尸解而去真仙通鑑

重白和字仲理魏朝仙人也河北王母蓋有道者和每拜見王

母常坐而止之語諸人言阿和是吾鄰家兒和後去不知所

之晉惠帝元康二年相識人見和在華陰山中乘虎從王母

顏色更少真仙通鑑

晉

尹虔子晉武帝時人學道在華山遇異人服丹霞之道行之五

十年色如童子太乙君遣迎乘雲昇天在元洲為高仙真誥

散位尹虔子真誥位

張石生李方白真誥作方回並晉武帝時人學道於華陰山中受仙

人管城子蒸丹餌朮法得延年健行又受蘇門周壽陵服丹

霞之道五十年精心內視不復飲食體骨輕便色如童子以

晉永和元年二月十二日太乙道迎乘雲上昇今在元洲為

高仙石生為東源伯真誥

劉少翁不知何地人曾數入太華山禮拜向山如此二十年忽

一旦得見西嶽丈人授其仙道續博物志地仙散位劉少翁真誥位

華陰縣志 卷十 道釋 五十一 西安縣林印書社代印

施存真人號浮胡先生師黃盧子得三皇內文驅策虎豹之術

晉元康間白日騰昇

路光一名大安漢順帝時人歷三國堅心慕道尋訪名山縱步

姑射遇老叟求度人修已之術叟授以六天如意大法經錄

謂之曰依此行持濟生度死妙用難思子宜祕之修半紀相

會乃往華山仙掌峯修鍊永熙二年二月十五日夜半夢太

上老君命右侍玉童賜玉鑰匙十事而參合前老叟法書夢

覺神開意解自此書符治病驅邪無不應驗永康間秦地疫

毒流行虎兕為暴光奉勅施符布法一境獲安惠帝賜之金

帛笑而不受遂居華山大安元年八月十二日夜夢太上老君謂曰年與名同可以冲天覺則身輕倏忽飛舉昇天而去真仙通鑑

寇謙之字輔真北魏時人自云寇恂之十三世孫早好仙道餌

藥歷年無效幽誠上達有仙人成公興者假傭于謙之從母

家謙之算七曜有所不了興為布之俄然便決謙之請師事

之興乃令謙之潔齋三日共入華山居一石室採藥與謙之

食遂不復飢後入嵩山尸解節疏

韋節京兆杜陵人莊帝時為陽夏守師事道士趙通遂棄官入

華山下居華山之陽因號華陽子得三洞靈文神方秘訣餌

華陰縣志 卷十 道釋 五十一 西安華林印書社代印

服黃精撰三洞儀序老子易論周武帝賜號精思法師太和

中忽彩雲九蓋覆其廬節曰吾當乘此而去遂昇化真仙通鑑

焦曠

焦曠字道廣周武帝時道士獨居雲臺峯辟粒餐霞常有三青

鳥報未然之事武帝親詣山庭臨軒問道因於谷口置雲臺

觀以居之道廣欲構房廊精思所感石上湧出神土用盡復

生雍勝略後弟子洪先等見師道廣乘一物如麟往而不返矣

華山志

王延字子元扶風人九歲好道居雲臺觀師事焦曠真人授三

洞秘訣真經松餐澗飲以希真理後周武帝遣使召之真人

謂曰道教凌夷久失拯援汝可立闡無令不振吾自此逝矣至都久之得請還觀復詔增修以居之然山石無土致之極勞因虔默禱天忽踊土出于觀側取多而不竭常苦乏油又置一器經夕自滿久用而有餘文帝禪位置仙都觀詔延主之謂門人曰吾欲歸西嶽乃委化于觀中帝遣使護葬西嶽及就壙但空棺而已真仙通鑑

姚得

姚得一華山道士也武德二年華州司馬高陵公孫璞戕害物

命患瘡遍身使其子求為救治得一日此是衆冤所為可修

黃籙大齋懺悔宿冤庶疾可愈如其言璞乃平復遂入華山

華陰縣志 卷十 道釋 五十二 西安華林印書社代印

禮謝畢得一取仙經一卷擲之展於崖上化為一橋二青龍

負之令璞緣其上須臾至家明日遣人復往已失所在真仙通鑑

張公弼貞觀中劉法師居雲臺觀鍊氣絕粒迨二十年每三元

設齋則見一人衣縫掖面鰲瘦來居未坐齋畢而去如此者

十餘年衣服顏色不改法師異而問之對曰余姓張名公弼

住蓮華峯東隅法師請同往公弼怡然從之遂隨行至一石

壁下徑闊數寸法師與公弼側足而立公弼以指扣石壁遂

劃然開一門門中有人曰何故引外人來公弼曰此雲臺劉

法師也與余久故可豐食遣之其人遂取一盂水以肘後青

囊中刀圭粉和之以飲法師畢而飢渴之想頓除公弼曰余

昨云山中甚樂盍爲戲令法師觀之其人以水噴東谷中俄有蒼龍白象各一對舞舞甚妙威風彩鸞各一對歌歌甚清頃之公弼送法師回法師至觀處置事畢却尋公弼則步步險阻杳不可階法師痛恨遂成腰疾公弼更不復至矣續元怪錄

杜懷謙道士貞觀中居雲臺峯之長春石室斷穀不食好吹長笛令人多買笛一吹卽投于巖下笛盡更供息巖中累月不動自號長春先生華山志

韋集唐代宗晝寢夢一人謂曰西嶽太華山中有黃帝壇祀之當獲大福詔遣監察御史韋君詣山尋訪至山下店中逢一老父詢問家世韋君曰高祖奉道不仕隋朝入此山中不知華陰縣志 卷十 道釋 五十三 西安縣林印書社代印

所在老父喟然歎曰吾卽爾高祖也名集有二子爾卽吾小子曾孫也韋君涕泣再拜因問壇所在老父曰蓮花中峯西南上有一古壇彷彿餘址此當是也明日與韋君入山行里許到其室見三嫗老父曰此爾祖母及二姑姑也相見甚喜遂與老父上山直至中峯西南隅果有一壇韋君酒掃拜謁標記而回具以事奏代宗嘆異遣韋君齋手詔入山禮請遂失舊路尋訪無蹤代宗悵恨以事跡宣付史館異聞錄

楊外郎者隋宗室子姑臧僧契虛遇道士喬君令饋食尚山擇子擇子導遊稚川至翠霞亭見一人袒而瞬目髮長數十尺凝脂黯黑洞瑩心目擇子曰此人楊外郎也隋氏宗室爲外

郎于南宮屬隋末分磔兵甲大擾因避地居山今已得道此非瞬目乃徹視也夫徹視者寓目于人世耳契虛願寤其目擇子卽面請外郎忽寤而四視其光益著若日月之照契虛倅然背汗毛髮盡動已而引歸處于太白絕粒吸氣貞元中徙居華山滎陽鄭紳吳興沈聿東行出關因天暮雨投止契虛所契虛以絕粒不致庖爨二人異其不食而骨狀豐秀因徵其實乃告以稚川之事後二人重過其舍契虛已遁矣宣

成道士不知何許人晦名隱迹唐開元末中使謁金天廟聞成真人之名遽候之有道士敝衣負布囊而來詢其氏曰姓成華陰縣志 卷十 道釋 五十四 西安縣林印書社代印

延于傳舍問所習不答以騎與之至成都密奏之明皇異其說召入館于蓬萊院問道術及所修皆不對未幾乞歸山乃挈布囊而去人皆笑之後因徹幕見壁上有題曰蜀路西行燕師北至本擬白日昇天且看黑龍飲渭其字刮洗愈明上聞之亦莫知其意不數月果狩蜀異仙傳

李元明皇時嘗居華山惟採諸藥食之性復好酒山下人多以酒飲之忽一日騎白鹿舉手謂山下人曰我今去遊天台老父三人遮道欲留之元與藥三丸三老服之皆一百五十歲疑仙傳

王復南陽張茂實家于華山下大中初假僕一人曰王復歷五

年一日辭去曰復本居山家業不薄適與厄會須僱作以禳之今厄請從此辭家去此甚近其中景趣亦甚可觀能相逐一遊乎茂實喜曰何幸復乃乘青麒麟令茂實乘赤文虎從之上仙掌峯居室飲食都非人間所有留連數日復送茂實至家曰我當至蓬萊謁大仙伯明日蓮花峯上青綵雲東去我之乘也遂揖而去厥明望之果如所言

續元
怪錄

洞賓字洞賓世傳以為東平人或云蒲坂永樂鎮人其自傳乃京兆人貞元中生於林檎樹下少聰敏日誦萬言及長龍姿鳳目鬢髮疎秀金水之相頂華陽巾衣逍遙服貌似張良又似太史公之狀會昌中兩舉不第因遊華山遇鍾離子授延

華陰縣志

卷十 道釋

五十五

西安華林印書社代印

命之術尋遇苦竹真人傳授日月交并之法再遇鍾離盡識金丹之妙年五十道始成身長五尺二寸面黃白鼻聳直左眼下有一痣如人間使者筋頭大常着白襴衫繫皂緋變化不可度遊行人世頗著靈跡宋宣和年封妙通真人元至元間贈純陽演正警化真人君再來隱居華山文仙谷易姓名曰姬洞明結菴四十年人無識者紹興丙子秋謂門人劉裕之曰張翁驪母昇元待吾久矣遂怡然臥化後神現泗洲塔題詩云姬州墨客羽化三峯又數載復來菴住題詩云昔日曾居此埋名四十春紅塵多少客誰是識余人又云余曾十載攻文墨萬卷圖書鎖胸臆浮萍雲水寄家緣住在蓮峯

人不識後書回公題裕之發所瘞惟見空棺中有二口字方悟是真君所化也

通鑑
真仙

杜子華不知何地人信州員外李虞與楊稜秀才遊華山窮搜崖谷至一小洞纔高數尺川巖草樹不似人間行二里餘有佛堂欲往來宿逡巡見有紫衣乘小馬從者四五人呵路而至遂引一人至一府署堂屋甚潔因自言曰予杜子華逢亂避世遇仙侶居此已數百年矣因止宿飲饌最精留連累日遣使者導之而返

通鑑
逸史

褚乘霞華嶽道士善驅除素與廬州別駕牛爽善爽為鬼祟殺其三女而死乘霞聞之而往郡以其宅凶廢之霞至入結壇

華陰縣志

卷十 道釋

五十六

西安華林印書社代印

以守日暮內聞雷霆搜索及明發屋拔木霞謂人曰宵中初有甲兵與戰鬼敗而潰散須臾一女子年二十許叩頭謝言是卓女郎讓之答曰非某過也宿命有素值爽及女命盡且不修德而強梁誣欺自當爾即命鐵錘發堂下丈餘得古墳銘曰卓女墳遂徙於他宅後不復凶矣

通鑑
錄

施肩吾字希聖深精道妙李竦者自稱三仙門弟子天下都閑客嘗遇肩吾於南京應天見其青巾紫履皂帶寬衣光彩射人望之儼然可畏為竦指陳天機開陳大道授以修真元圖一十五式顯然明白乃真仙之秘本也

三洞
仙錄

王遙字伯遼鄱陽人有妻無子為人治病病無不愈不用符水

針藥或有邪魅作祟者畫地爲嶽扣石呼之見狐狸魍魎之類則斬而焚之病者卽痊遙有竹篋令弟子錢哥以九節杖擔之十餘年未嘗見開後至華山巖洞中遇友人刁自然卽發竹篋取出五舌竹簧三枚三人共吹之良久辭去刁自然語云鄉當早來何爲久住塵寰再期至此同處遙日如是我當來也後王刁並錢哥俱登仙矣

華山志

刁自然不知何許人與王遙爲友所居有三洞上洞莫能到中洞有飛石遮于洞門下洞隱者皆在其中

華山志

李真華山道士岐州王祐家鉅萬開館舍以待往來真負藥攜琴往謁說以至道祐驚下拜真乃命酒自酌遽醉而去王令

華陰縣志

卷十 道釋

五十七

西安縣林印書社代印

人潛偵之見真化一大鹿西走不知所之

真山通鑑

謝冲寂華嶽道士志好焚香壇至三百爐且夕不缺無香以松柏子代之梁開平三年二月清晨有二青童乘紫雲下迎云上帝召謝冲寂乃乘雲去

華嶽志

施無疾不知何地人時往來京索間經歲月不食惟日飲少酒體有青毛治病以水代藥多居華山

真山通鑑

丁少微亳州真源人爲道士持齋戒奉科儀精至尤善服氣多餌藥年百餘歲康強無疾隱于華山潼谷與陳搏齊名少微志尚清潔博嗜酒適性其道不同未嘗相通嘗起壇場淨室

通夕朝禮五十餘年未嘗稍懈時有華陰李琪自言唐開元中郎官已數百歲人罕見者與關西逸人呂洞賓年百餘歲有劍術面如童顏步履輕疾頃刻數百里世傳以爲神仙嘗至其處太平興國三年召赴關獻金丹巨勝南芝元芝留數月遣還山七年冬卒

宏簡錄

于慎行讀史設錄

宋初有方外之士二人隱於華山其一希夷其一

丁少微二人以仙隱齊名而同居一山不相往來少微志尚清潔而希夷嗜酒放曠若反出其下者然少微應召至京以金丹元芝爲獻而希夷之言云云以此觀之少微直金丹方士之流而希夷有善卷巢由之致不同日而談矣

華陰縣志

卷十 道釋

五十八

西安縣林印書社代印

賈得昇陳搏弟子搏卒得昇齋遺奏詣闕進上賜紫服並賜號曰悟真予錢五百萬俾營北極殿以終搏志先是雍熙中搏謂得昇曰吾行老君殿後見神人服黑衣冠云北極開同紫微帝君汝可以前後所賜市材立北極殿昔唐金仙公主以此爲祈真之館今吾復遇北辰此觀其興矣惟汝當得之逮真宗祀汾睢回再幸雲臺除觀田租召對得昇俾建聖祖并真宗本命星官元辰三殿又繪睥容於北壁去搏卒三十年果得昇富之

真山通鑑

石室

羅隱之本臨江軍新淦縣玉笥山玉梁觀道士來居華山之東

碧雲洞臨水登山一鵬一咏高情自適天福中賜號曰希夷

先生華山志隱之與李道殷鄭遨為煙蘿友貨藥以自給俱好

酒能詩善弈棋長嘯邀有大瓢云可辟寒暑置酒其中經時

味不壞日攜就花木水石間一酌一詠嘗酒酣聯句鄭曰一

壺天上有名物兩個世間無事人羅曰醉却隱之雲叟外不

知何處是天真通仙

李道殷道士與鄭遨羅隱之交善當世目為三高士道殷有釣

魚術鉤而不餌能化石為金邀嘗驗其信然而不之求也五代

隱仙張無夢字靈隱蓋屋人號鴻子濛肥遜不仕學窮老易與种放

華陰縣志 卷十 道釋 五十九 國安縣林印書社代印

劉海蟾結方外友事陳希夷先生多得微旨著有瓊臺詩集

真仙譚處端字通正寧海人偶獲風痺之疾誦北斗經以求濟有感

異夢遂精心歸道師事祖師遊歷名山道成屢著奇蹟以金

大定二十一年入華山居純陽洞瘡生于首日其將死乎衆

莫知所對良久曰今猶未也逮生于足則死矣後于洛陽朝

元宮之東築庵居之適足生瘡乃遺長短句一篇曲肱而逝

至至元時封長真雲水蘊德真人真仙

通仙至至元時封長真雲水蘊德真人通仙

至至元時封長真雲水蘊德真人通仙

至至元時封長真雲水蘊德真人通仙

劉道寧雲中白登人師事劉柴頭為道士得授微旨來華山寓

上方白雲宮屬歲飢僮倭立志不少衰後為西京道官長與

尹清和會于古恆岳之陽語道寧曰吾近遊陝右奉田侯德

祭之命凡元宮道宇皆釋人主之惟華山之雲臺地靈物秀

實仙家一洞天非君無可托者道寧辭不獲遂遣門人為經

營已亦往返再三大興築構貞祐癸卯中夏田侯修華嶽廟

復邀之于雲臺間欣然就途甫三四年厥功告成卒于古恆

岳道門稱為真常子王鄂為之撰記真仙

褚志通字伯達受學劉真常真常主華陰之雲臺宮始從之西

華陰縣志 卷十 道釋 六十 國安縣林印書社代印

真常逝徙居上方谷服氣減食為胎息性嗜讀書熟左氏博

議恬愉靜退朝廷聞之俾禱水旱輒應賜號佑德真人提點

嶽祠瀨靈宮又以嶽祠風雨將霽內出鈔萬八千鏹為完輯

費易弊而新飾泚為輩過者改觀年八十至元十六年詔中

使起之不赴而卒姚燧為編太華真隱褚君傳甘水仙

毛養素字壽之家世平水性資冲淡雅有出塵之志貞祐初一

羽客見過風神蕭爽養素異之奉事惟謹久之客曰此子可

教乃授以祕語問其仙號曰我華山陳希夷也言訖忽失所

在自是心神渙釋道緣漸濃往禮太華惠照真人田無礙即

丹陽之法嗣也得丹書祕訣清苦元門者幾二十年與門人

常志久興蒼清華觀金碧輪奐冠于他處迨劉真常掌教賜